

Жылдың ауданында тұратын аз қамтылған отбасыларға (азаматтарға) тұрғын үй көмегін көрсетудің қағидасын бекіту туралы

Күшін жойған

Атырау облысы Жылдың аудандық мәслихатының 2014 жылғы 03 желтоқсандағы № 25-2 шешімі. Атырау облысының Әділет департаментінде 2014 жылғы 22 желтоқсанда № 3057 болып тіркелді. Күші жойылды - Атырау облысы Жылдың аудандық мәслихатының 2015 жылғы 18 қыркүйектегі № 32-3 шешімімен

Ескерту. Күші жойылды - Атырау облысы Жылдың аудандық мәслихатының 18.09.2015 № 32-3 шешімімен (қол қойылған күннен бастап күшіне енеді).

"Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасының 2001 жылғы 23 қаңтардағы Заңының 6 бабына, "Тұрғын үй қатынастары туралы" Қазақстан Республикасының 1997 жылғы 16 сәуірдегі Заңының 97 бабының 2 тармағына, "Тұрғын үй көмегін көрсету ережесін бекіту туралы" Қазақстан Республикасы Үкіметінің 2009 жылғы 30 желтоқсандағы № 2314 қаулысына, "Өлеуметтік тұрғыдан қорғалатын азаматтарға телекоммуникация қызметтерін көрсеткені үшін абоненттік төлемақы тарифінің көтерілуіне өтемақы төлеудің кейбір мәселелері туралы" Қазақстан Республикасы Үкіметінің 2009 жылғы 14 сәуірдегі № 512 қаулысына, "Тұрғын үй - коммуналдық шаруашылық саласындағы мемлекеттік көрсетілетін қызметтер стандарттарын бекіту туралы" Қазақстан Республикасы Үкіметінің 2014 жылғы 5 наурыздағы № 185 қаулысына сәйкес, аудандық мәслихат

ШЕШІМ ҚАБЫЛДАДЫ:

1. Жылдың ауданында тұратын аз қамтылған отбасыларға (азаматтарға) тұрғын үй көмегін көрсетудің қағидасы қосымшаға сәйкес бекітілсін.

2. Шешімнің орындалуын бақылау аудандық мәслихаттың бюджет, қаржы, экономика және кәсіпкерлікті дамыту мәселелері жөніндегі тұрақты комиссиясына (Б. Сұлтанов) жүктелсін.

3. Осы шешім әділет органдарында мемлекеттік тіркелген күннен бастап күшіне енеді, ол алғашқы ресми жарияланған күннен кейін күнтізбелік он күн өткен соң қолданысқа енгізіледі.

Аудандық

мәслихаттың

XXV сессиясының төрағасы:

Б. Қонарбай

Аудандық мәслихат хатшысы:

M. Кенғанов

Аудандық	мәслихаттың		
2014	жылғы	3	желтоқсандасы
№ 25-2 шешіміне қосымша			
Аудандық	мәслихаттың		
2014	жылғы	3	желтоқсандасы
№ 25-2 шешімімен бекітілген			

Жылдың ауданында тұратын аз қамтылған отбасыларға (азаматтарға) тұрғын үй көмегін көрсетудің қағидасы

Осы тұрғын үй көмегін көрсетудің Қағидасы (әрі қарай - Қағида) Қазақстан Республикасының 1997 жылғы 16 сәуірдегі "Тұрғын үй қатынастары туралы" Заңына, Қазақстан Республикасы Үкіметінің 2014 жылғы 5 наурыздағы № 185 "Тұрғын үй-коммуналдық шаруашылық саласындағы мемлекеттік көрсетілетін қызметтер стандарттарын бекіту туралы", 2009 жылғы 30 желтоқсандасы № 2314 "Тұрғын үй көмегін көрсету ережесін бекіту туралы", 2009 жылғы 14 сәуірдегі № 512 "Әлеуметтік тұрғыдан қоргалатын азаматтарға телекоммуникация қызметтерін көрсеткені үшін абоненттік төлемеңкі тарифінің көтерілуіне өтемеңкі төлеудің кейбір мәселелері туралы" қаулыларына сәйкес әзірленді және Жылдың ауданында тұратын аз қамтылған отбасыларға (азаматтарға) тұрғын үй көмегін көрсетудің мөлшері мен тәртібін айқындайды.

1. Жалпы ережелер

1. Осы Қағидада мынадай негізгі ұғымдар пайдаланылады:

- 1) аз қамтылған отбасылар (азаматтар) – Қазақстан Республикасының тұрғын үй заңнамасына сәйкес тұрғын үй көмегін алуға құқығы бар адамдар;
- 2) кондоминиум объектісін басқару органы – кондоминиум объектісін басқару жөніндегі функцияларды жүзеге асыратын жеке немесе занды тұлға;
- 3) көрсетілетін қызметті беруші – "Жылдың ауданы жұмыспен қамту және әлеуметтік бағдарламалар бөлімі" мемлекеттік мекемесі;
- 4) көрсетілетін қызметті алушылар-тұрғын үй көмегін алуға құқығы бар, Жылдың ауданында тұрақты тұратын аз қамтылған отбасылар (азаматтар);
- 5) отбасының (азаматтың) жиынтық табысы - тұрғын үй көмегін тағайындауға өтініш білдірілген тоқсанның алдындағы тоқсандағы отбасы (азамат) кірістерінің жалпы сомасы;
- 6) кондоминиум объектісінің ортақ мүлкін күтіп-ұстауға жұмсалатын шығыстар - үй-жайлардың (пәтерлердің) меншік иелерінің жалпы жиналыстың шешімімен белгіленген ай сайынғы журналар арқылы кондоминиум объектісінің ортақ мүлкін пайдалануға және жөндеуге, жер участкесін күтіп-ұстауға,

коммуналдық қызметтерді тұтынуды есептеудің үйге ортақ аспаптарын сатып алуға, орнатуға, пайдалануға және салыстырып тексеруге, кондоминиум объектісінің ортақ мүлкін күтіп-ұстауға тұтынылған коммуналдық қызметтерді төлеуге, сондай-ақ кондоминиум объектісінің ортақ мүлкін немесе оның жекелеген тұрлерін болашакта жүргізілетін курделі жөндеуге ақша жинақтауға арналған шығыстарының міндетті сомасы;

7) ЭЦК- электронды цифрлық қолтаңба (әрі қарай ЭЦК).

Ескеरту. 1-тармаққа өзгеріс енгізілді - Атырау облысы Жылъой аудандық мәслихатының 27.03.2015 № 27-7 шешімімен (жарияланған қунінен кейін күнтізбелік он күн өткен соң қолданысқа енгізіледі).

2. Шекті жол берілетін шығыстар үлесі - телекоммуникация желісіне қосылған телефон үшін абоненттік төлемақының, жеке тұрғын үй қорынан жергілікті атқарушы орган жалдаған тұрғын үйді пайдаланғаны үшін жалға алу ақысының ұлғаюы бөлігінде отбасының (азаматының) бір айда тұрғын үйді (тұрғын ғимаратты) күтіп-ұстауға, коммуналдық қызметтер мен байланыс қызметтерін тұтынуға жұмсалған шығындарының шекті жол берілетін деңгейінің отбасының (азаматтың) орташа айлық жиынтық кірісіне бес пайызбен қатынасы.

3. Тұрғын үйді (тұрғын ғимаратты) күтіп-ұстауға, коммуналдық қызметтер мен байланыс қызметтерін тұтынуға жұмсалатын шығындардың көлем нормалары коммуналдық кәсіпорындармен белгіленеді.

2. Тұрғын үй көмегін тағайындау тәртібі

4. Көрсетілетін қызметті алушы (не сенімхат бойынша оның өкілі) өтініш берген кезде мемлекеттік қызмет көрсету үшін қажетті құжаттардың тізбесі:

1) халыққа қызмет көрсету орталығына:

осы Қағидадағы 1-қосымшага сәйкес нысан бойынша өтініш; көрсетілетін қызметті алушының жеке басын куәландыратын құжат (түпнұсқа көрсетілетін қызметті алушының жеке басын сәйкестендіру үшін ұсынылады);

осы Қағидадағы 2-қосымшаның 1, 5, 6, 7-тармақтарында, 8-тармағының 2) тармақшасында және 10-тармағында көрсетілген отбасының табысын растайтын құжаттар;

тұрғын үйді (тұрғын ғимаратты) күтіп-ұстауға арналған ай сайынғы жарнаның мөлшері туралы шот;

коммуналдық қызметтерді тұтынуға арналған шот; телекоммуникация қызметтері үшін түбіртек-шот немесе байланыс қызметтерін көрсетуге арналған шарттың көшірмесі;

жеке тұрғын үй қорынан жергілікті атқарушы орган жалдаған тұрғын үйді пайдаланғаны үшін жергілікті атқарушы орган берген жалдау ақысының мөлшері

2) www.egov.kz порталына:

көрсетілетін қызметті алушының ЭЦҚ-сымен куәландырылған электрондық
құжат нысанындағы сұрау салу;

осы Қағидадағы 2-қосымшаның 1, 5, 6, 7-тармақтарында, 8-тармағының 2)
тармақшасында және 10-тармағында көрсетілген отбасының табысын растайтын
құжаттардың электрондық көшірмелері;

тұрғын үйді (тұрғын ғимаратты) күтіп-ұстауға арналған ай сайынғы
жарнаның мөлшері туралы шоттың электрондық көшірмесі;

коммуналдық қызметтерді тұтынуға арналған шоттың электрондық көшірмесі
;

телекоммуникация қызметтері үшін тұбіртек-шоттың электрондық көшірмесі
немесе байланыс қызметтерін көрсетуге арналған шарттың көшірмесі;

жеке тұрғын үй қорынан жергілікті атқарушы орган жалдаған тұрғын үйді
пайдаланғаны үшін жергілікті атқарушы орган берген жалдау ақысының мөлшері
туралы шоттың электрондық көшірмесі.

5. Тұрғын үй көмегі жергілікті бюджет қаражаты есебінен Жылъой
ауданында тұрақты тұратын аз қамтылған отбасыларға (азаматтарға):

1) жекешелендірілген тұрғынжайларда тұратын немесе мемлекеттік тұрғын
үй қорындағы тұрғын үй-жайларды (пәтерлерді) жалдаушылар (қосымша
жалдаушылар) болып табылатын отбасыларға (азаматтарға) кондоминиум
объектісінің ортақ мүлкін күтіп-ұстауға жұмсалатын шығыстарды;

2) тұрғын үйдің меншік иелері немесе жалдаушылары (қосымша
жалдаушылары) болып табылатын отбасыларға (азаматтарға) коммуналдық
қызметтерді және телекоммуникация желісіне қосылған телефонға абоненттік
төлемақының өсуі бөлігінде байланыс қызметтерін тұтынуға;

3) жергілікті атқарушы орган жеке тұрғын үй қорынан жалға алған тұрғын
үй-жайды пайдаланғаны үшін жалға алу төлемақысын төлеуге беріледі.

Аз қамтылған отбасылардың (азаматтардың) тұрғын үй көмегін есептеуге
қабылданатын шығыстары жоғарыда көрсетілген бағыттардың әрқайсысы
бойынша шығыстардың сомасы ретінде айқындалады.

**Ескеरту. 5-тармаққа өзгеріс енгізілді - Атырау облысы Жылъой аудандық
мәслихатының 27.03.2015 № 27-7 шешімімен (жарияланған күнінен кейін
күнтізбелік он күн өткен соң қолданысқа енгізіледі).**

6. Отініш иесі табысы туралы толық емес немесе дұрыс емес мәліметтер
ұсынған жағдайда, жиынтық табысты есептеу жүргізілмейді.

7. Тұрғын үй көмегін алушы он күн мерзімде тұрғын үй көмегінің мөлшерін
өзгертуге және оны алу құқығы үшін негіз бола алатын жағдайлар туралы
үәкілдегі органға хабарлайды.

3. Тұрғын үй көмегін алуға үміткер отбасының (азаматтың) жиынтық табысын есептеу тәртібі

8. Отбасының (азаматтың) жиынтық табысын есептеу Қазақстан Республикасы Құрылымы және тұрғын үй - коммуналдық шаруашылық істері Агенттігі Төрағасының 2011 жылғы 5 желтоқсандағы № 471 бұйрығымен бекітілген Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасымен айқындалады.

4. Тұрғын үй көмегін қаржыландыру және төлеу тәртібі

9. Аз қамтылған отбасыларға (азаматтарға) тұрғын үй көмегі төлемін қаржыландыру аудандық бюджетте осы мақсатқа сәйкесті жылға қаралған қаржы есебінен жүзеге асырады .

10. Тұрғын үй көмегін төлеу екінші деңгейлі банктер арқылы жүзеге асырады .

5. Қорытынды ереже

11. Осы Қағидамен реттелмеген қатынастар Қазақстан Республикасының қолданыстағы заңнамаларына сәйкес реттеледі.

Жылой аудандада тұратын
аз қамтылған отбасыларға
(азаматтарға) тұрғын үй көмегін тәртібінің
көрсетудің мөлшері мен тәртібінің
айқындау Қағидасына 1 қосымша

Тұрғын үй көмегін тағайындау туралы өтініш

Мен _____
(тегі, аты, әкесінің аты (бар болса), туған жылы)
тұрғын үйдің меншік иесі (жалдаушы) болып табыламын, жеке куәлік № _____
берген.

Тұрғын үйді күтіп-ұстауға және тұтынылған тұрғын үй-коммуналдық
қызметтерге ақы төлеу жөніндегі шығындарды өтеу үшін _____
мекенжайы бойынша _____ адамнан тұратын
менің отбасыма тұрғын үй көмегін тағайындауды сұраймын.

Өтінішке _____ дана қажетті құжаттарды қоса беремін.
Жеке шотының №_____, банктің атауы _____

Күні: 20 ____ жылғы "___" ____ Өтініш берушінің қолы _____
 Жылой ауданында тұратын
 аз қамтылған отбасыларға
 (азаматтарға) тұрғын үй көмегін
 көрсетудің мөлшері мен тәртібінің
 айқындау Қағидасына 2 қосымша

Отбасының табысын растайтын құжаттар тізбесі

№	Талап	Ұсыну түрі
1	Еңбекақы түрінде алынатын табыстар	Көрсетілетін қызметті алушының жұмыс орнынан еңбекақысы туралы анықтама
2	Әлеуметтік төлемдер түрінде алынатын табыстар	Ұсыну талап етілмейді, ХҚО-ның қызметкері тиісті мемлекеттік ақпараттық жүйелерден алады
3	Кәсіпкерлік және басқа да қызмет түрлерінен түсетін табыстар	Ұсыну талап етілмейді, ХҚО-ның қызметкері тиісті мемлекеттік ақпараттық жүйелерден алады
4	Балаларға және асырауындағы басқа да адамдарға алименттер түріндегі табыстар	Ұсыну талап етілмейді, ХҚО-ның қызметкері тиісті мемлекеттік ақпараттық жүйелерден алады
5	Жылжымайтын мұлікті және көлік құралдарын жалға беруден және сатудан	Жылжымайтын мұлікті және көлік құралдарын жалға беру мен сату туралы көрсетілетін қызметті алушыдан еркін нысандағы түсініктеме
6	Жылжымайтын мұлікті, көлік құралдарын және басқа да мұлікті сыйға тарту, мұрагерлікке алу түрінде алынған	Сатып алу-сату туралы шарттың көшірмесі
7	Ақша салымдары және депозиттер бойынша сыйакы (мұdde) түрінде	Жинақ кітапшаларының көшірмесі
8	Білім алушылардың стипендиясы	1) Жоғары оқу орындарындағы білім алушылар үшін анықтаманы ұсыну талап етілмейді, ХҚО-ның қызметкері тиісті мемлекеттік ақпараттық жүйелерден алады; 2) Орта оқу орындардағы білім алушылар үшін стипендиядан алынатын табысты растайтын анықтаманың көшірмесі
9	Азаматтың жұмыссыз мәртебесін растау	Ұсыну талап етілмейді, ХҚО-ның қызметкері тиісті мемлекеттік ақпараттық жүйелерден алады
10	Жеке қосалқы шаруашылықтан - мал мен құс ұстауды, бағбандықты, бақша өсіруді қамтитын үй жанындағы шаруашылықтан түсетін табыс	Жеке қосалқы шаруашылық - мал мен құс ұстауды, бағбандықты, бақша өсіруді қамтитын үй жанындағы шаруашылық туралы жергілікті атқаруышы органнан анықтама

© 2012. Қазақстан Республикасы Әділет министрлігінің «Қазақстан Республикасының Заннама және
құқықтық ақпарат институты» ШІЖКРМК